

نومرو ۳۵ - ۲۲ ذی الحجه ۱۳۲۹

یکشنبه کونلری نشر اولور

الجملة محررات در سعادت بوسته خانه سنه
تصوف جریده سی فامنه کوندر لمبدر
قوطو نومرو سی ۱۴۳

تصوف

صاحب امتیاز و سر محرری
اورفه مبعونی
شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ باره در

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابو حفص عمر بن مسلمه

عرفای امتک مقالات عارفانه لرینه تصوفک صحیفه لری آجیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله مغویه در

بیکرجه خدم وحشمیله برطاغ اتکندن کچوردی. طاغک اوزرینه قار یاغمش ایدی. سلطان محمود باشی چورمش. طاغک اوزرینه باقش ایسهده برشی سولماش ایدی. ایازایسه دائماً سلطانک احواله مراقب بولدیقدن سائقه فراسنتله طاغک اوزرتدن آلدینی بر مقدار قاربارچه سنی حضور سلطانی به تقدیم ایلمی اوزرینه آرزو سنی نصل کشف ایتش اولدیغنی سلطان مشارالیه سؤال ایدنجیه: پادشاهم! آرزو کزی نظرهایونکزدن اکلام چونکه بیوکلر هیچ برشیته عبث اوله رق نظر ایتزلر. دیمش و بونک اوزرینه سلطان محمود امراسنه خطاباً: ایازی دیگرارندن زیاده سودیکمک سبی ایشته بوحالدر هر کس کندینه عائد بر مشغولیتده بولنورکن اودائما بی مراقبه ایتکله مشغول اولور. دیهرک توجهات زائده سنک اسبابی بیان ایشدر. شیخ فریدالدین عطار حضرتدری اشبو:

کرتو هسقی مرد دین وحق شناس
بندگی کردن بیاموز ازایاس

بیت ناصحانه لریله وقعه مذکورده به تلمیح بیورمشلردر
طریق علیّه صوفیهده: مراقبه معیت، مراقبه صمدیت
و مراقبه وحدت کی مراقبه نک انواع ودرجاتی واردرکه:
یونلری حالاً و ذوقاً بحق ادک وایفایده بک هر حالده
برمرشد کامل وشیخ مکملک تربیه روحانیه سنه متوقفدر
والله بکشی علیم.



اصطلاحات صوفیهدن:

عوالم کلیه

لسان تصوفده عوالم کلیه دینیان دوائر سیر وسلوک
بش قسمه منقسمدر.

برنجیسی (عالم ذات) درکه جمیع اسماء و صفاتک
مستهلک اولدینی مرتبه احدیته اطلاق اولنور بوعالمه:
لاهورت، هویت غیبیه، عین الجمع، غیب مجهول حقیقه

الحقایق، مقام اوادنی، غایه الغایات و نهایت النهایات دخی
دینیلور اصطلاحات صوفیهدن (شئون ذات) و (حروف
عالیات): بو مرتبه نک دائره شمولده مندمج اولان
حقایق موجودانه اشارتدر.

ایکنجیسی (عالم صفات) درکه اسماء و صفات
الهییه نک ظهور ایلدیکی مرتبه واحدیتدن عبارتدر بوعالمه:
جبروت، برزخ البرازخ، برزخیت اولی، مجمع البحرین،
قاب قوسین، محیط الاعیان دخی دینلمشدر. بومرتبهده
حقایق موجوداته (اعیان ثابته) نامی ویریلور اشبو
مرتبهده اعیان ثابته استعداد و قابلیتلری نسبتده صفات
ربانییه نک تجلیات رحمانیه سیله نصیبه دار فیض انسیت
وسرمت صهای محبت اولمشلردر. سلطان العاشقین
عمر ابن الفارض قدس سره حضرتلری قصیده خمریه لرنده:

شرینا علی ذکر الحبيب مدامه
سکرنا بها من قبل ان یخلق الکرم

بیت عارفانه سیله اونشوه مقدسه به اشارت بیورمش
وصفای لطافت بخشاینده:

صفاء ولاماء واطف ولاهوی
ونور ولانار وروح ولاجسم

بیت حکیمانه سیله تصویر ایشدر. بوزم انسا انس
روحانیدن مفارقتده عالم جسمانی به هبوط ایلیان نفوس
زکیه دائماً اووطن اصلی معنوی نک حسرت عاشقانه سیله
نالان اولمشلردر. مولانا جلال الدین رومی قدس سره
حضرتلری نک مثنوی شریفده:

بشنوازی چون حکایت میکند
از جدایها شکایت میکند

فاتحه مرشدانه سیله باشایان مقدمه مبارکه سننده بیان
بیوردقلری احوال اشتیاق: اعیان ثابته نک بونشأت
عنصریهده عقول و نفوسی نالان ایلیان نفیر اشواقدر.
وطن اصلینک یاد و تذکار یله نفوس زکیه نک اشواق

واشتیاقی ایسه حقیقتده کندیلرخی او عالم قدس روحانییه
جذب ایده جک بر لطف مخصوص ربانیدر . مولانای
مشارالیه حضرتلرینک :

آن خیالاتی که دام اولیاست
عکس مهر و یان بستان خداست

یشله اشارت بیوردقلری خیالات مذکوره : مرتبه
واحدیتک مقامات اولیه و تجلیات رحمانیه سی خاطر اتندن
عبارتدرکه نفوس زکیه نك مجاهده میدانلرنده سیر و سلوک کنی
داعی بروسیله مخصوصه مساعدیر .

اوچنجیسی (عالم ملکوت) در . بو عالم : ماده دن
مجرد بولنان ارواح بسیطه مرتبه سیدر . ارواح ، افعال ،
غیب ، باطن مالمیری دخی دینلور . (روح) کله سنک
معانی متعدده سی واردر . بوراده مراد اولان معنا :
امر ربوبیدر بو امر الهی مقام مخصوصندن تفصیل
کونییه تعلق ایلیان بر لطیفه ربانیه درکه افهام و عقولک
ادراکندن محفوظ و متعالیدر .

دردنجیسی (عالم برزخ) در . عالم مثال عنوانیه
دخی یاد اولنور . وجوب و امکان اراستنده بر حدفاصل
تشکیل ایدن مرتبه دن عبارتدر . عرفای صوفیه تزدنده
(مرج البحرین یلتقیان بینهما برزخ لایبغیان) آیت
کریمه سی عالم برزخه اشارتدر . بو عالم : بعدالموت
ارواحک قرارکامیدر . ارواح مفارقه درجات معنویه لری
نسبتنده بو عالمده تجلیات ربانیه ایله لذتیاب اولورلر .

بشنجیسی (عالم ناسوت) در . عالم تهادت . عالم
ظاهر ، عالم خلق و عالم آثار دخی دینلور . ناسوت :
لاهورتک تجلیکاهی اولان محلدلر لاهوت : اشیاده ساری
اولان سر حیاته اطلاق اولنور که خصایص حضرت الهیه دندر
سر حیاتک قائم اولدینی محل انسان ایسه ناسوت حقیقی
و انسانک غیری ایسه ناسوت مجازیدر . ناسوت حقیقی
دینلان نوع انسانی عوالم کلیه مذکوره نك مرتبه
جامعه سیدر . بو مرتبه جامعه یه : کون جامع ، علت
غایه . اخرت نزلات عنوانلری دخی اطلاق اولنور . ایسته

طرق عالیة صوفیه نك اس الیاسی : مجاهده میدانلرنده
سیر و سلوک ایله علی الدرجات تعریف ایدیلان عوالم
کلیه یه طوغری قطع مسافات ایدرک و وطن اصلی یه رجوع
ایده بلکدن عبارتدرکه سعادت حقیقیه بشریه نك اقصای
غایات و منتهای درجایدر . وذلك فضل الله يؤتیه من
یشاء .



اثبات صانع

اولسه استعداد عارف قابل ادراک وحی
امر حق ارساله هر ذره در بر جبرئیل

جناب فضولنك بو یتتی اثبات صانع حقیقده اولیه
بیان عالیدرکه : کتاب کائناتک هر هانکی بر تحقیقه سنه
عارفانه نظر اولنسه بر چوق دلائل ناطقه و براهین
بارقه یه تصادف اولنور . لسان حکمتده هر اثرک بر مؤثره
احتیاجی قضیه سی قرون اولیده بیله اثبات اولنمش بر
نظریه الهیه در اوت : انسانلرک بدایت تشکندنبری دایما
بر صانع ارادقلری : انقراض مدینلرندن بر چوق هیکلدر
اوزرنده محرر اولان مناجات ساجده لرنندن مستبان اولمقده در
حتی روحیون بو نقوش اعتقادییه یی مادیونه قارشلی رد
اولونماز برر دلائل مرصونه حکمنده طوئورلر . لکن
بو قضیه یی تدقیق ایتزدن اول عوالمک تخیلاتدن اولمیوب
هر برلرینک نوعه ، جنسه مخصوص برر وجود ایله
نظرلرده تمایز ایلدکلرخی سولنک و علم بشرک حقایق
اشیایه لاحق اولدینغی اثبات ایلک ایجاب ایدر . ایسته
عالم الهیه ده هر متکلمک غایتی : بوتون کائناته بر وجود
اثبات ایدوب هر حکم دینینک موقوف علمی اولان
صانع حقیقی نی بولمقدر .

شعبات مختلفه یه ایزیلان بوتخری هر کک فکرینه ،
مسالکته ، محیطنه کوره تجلی ایدر . مثلاً : علمای
هیئت منظومه شمسینک . او موکب دلفریب علونک
صورت دوراتی بر مؤثره عطف ایدرلر . طبعیون دخی